

REGLUGERÐ

um sektargerðir og eignaupptöku tollyfirvalda, greiðslu einkasölugjalda af einkasöluvarningi, sem framvísað hefur verið o. fl.

1. gr.

Tollyfirvöldum er heimilt að afgreiða með sektargerð kærur fyrir ólögmetan innflutning ef brot er skýlaust sannað og ætla má að brot varði ekki hærri sekt en kr. 10 000.00, enda játist sökunautur undir þá ákvörðun og greiði sektina þegar í stað. Ákvörðun sekta skal vera í samræmi við ákvæði áfengislaga eftir því sem við á.

2. gr.

Nú hefur skýlaust sannað brot einnig eignaupptöku í för með sér og getur tollyfirvald þá undir sama skilorði og greint er í 1. gr. ákveðið eignaupptöku, enda fari innflutningsverðmæti varnings (cif.-verð) eigi fram úr kr. 50 000.00. Einnig er tollyfirvaldi heimilt að ákveða eignaupptöku þó að refsíabyrgð verði ekki fram komið.

3. gr.

Tollyfirvöld skulu halda gerðabók yfir sektargerðir og eignaupptökur, gerðar samkvæmt framangreindum reglum. Skal þar skráð afgreiðsla hvers einstaks máls, greint í bókun skýrt og stutt brot það, sem um er að tefla, refsíákvæði, sem það varðar við og ítrekunarverkun á síðari brot, samanber ákvæði 4. gr.

Gerðabók skal þannig útbúin, að endurrít liggi fyrir af hverri afgreiðslu og skal það sent saksóknara ríkisins.

4. gr.

Brot sem afgreidd eru með ofangreindum hætti hafa ítrekunaráhrif á síðari brot eftir almennum reglum, nema sektarupphæð sé innan við kr. 2 500.00.

5. gr.

Telji saksóknari ríkisins sektargerð tollyfirvalds ekki gerða í samræmi við reglur þessar eða að málið sé þess eðlis að rétt sé að dómstólar fjalli um það, getur hann vísað málinu til dómara til ónýtingar á ákvörðun tollyfirvalds.

6. gr.

Nú hefur einhver af áhöfn fars eða farþegi, við komu til landsins, meira í fórum sínum en heimilt er að taka með sér án greiðslu gjalda af varningi, sem ríkið eða stofnanir þess hafa einkasölu á, og framvísar því við tollgæzluna áður en tollskoðun hefst á farangri hans, skal honum þá heimilt að halda til viðbótar allt að þreföldu magni þess, er hann má hafa tollfrjálst, gegn greiðslu ríkissjóðsgjalda til hlutaðeigandi einkasölu samkvæmt gjaldskrá, sem fjármálaráðuneytið setur. Sé um meira magn að ræða en að framan greinir, og sérstakar ástæður eru fyrir hendi, getur tollgæzlustjóri heimilað innflutning gegn greiðslu einkasölugjaldsins.

7. gr.

Sé um meira magn af einkasöluvarningi að ræða, en afgreiða má samkv. 6. gr. og engar þær ástæður fyrir hendi, sem heimila afhendingu, en varningnum hefur verið framvísað í tæka tíð, skal heimilt að fella niður kæru en varningurinn gerður upptækur til ríkissjóðs með ákvörðun tollyfirvalds.

8. gr.

Við afgreiðslu samkv. 6. gr. skal færa hverja afgreiðslu í sérstaka afgreiðslubók. Þar skal fært inn magn og tegund varnings, sem greitt er af og gjöld þau sem innheimt eru. Skal innflytjandi eiga rétt á að sjá gjaldskrá þá, sem innheimt er eftir og fá greiðslukvittun. Enn fremur skal varningurinn merktur með merki-
miðum, sem tollgæzlustjóri lætur í té.

9. gr.

Einkasölugjöld sem innheimt eru samkv. 6. gr. skulu send viðkomandi einkasölu svo fljótt sem kostur er og ekki síðar en tveim mánuðum eftir að afgreiðsla fór fram.

10. gr.

Reglugerð þessi er sett samkvæmt heimild í lögum nr. 59 28. maí 1969, um tollheimtu og tolleftirlit, og tekur þegar gildi.

Fjármálaráðuneytið, 30. nóvember 1969.

Magnús Jónsson.

Jón Sigurðsson.

REGLUGERÐ**um starfssvið og starfshætti eiturefnanefndar.****1. gr.**

Formaður boðar til funda, er hann telur þess þörf, eða þegar minnst 2 nefndarmenn óska þess. Fundaboðun skal vera með þeim fyrirvara, sem nefndarmenn koma sér saman um. Sérfróðum starfsmönnum nefndarinnar er heimilt að sitja fundi. Þeir hafa tillögurétt, en ekki atkvæðisrétt.

2. gr.

Nú getur nefndarmaður ekki sótt boðaðan fund. Honum ber þá að tilkynna formanni forföll. Fundur er ályktunarfær, ef viðstaddir eru auk formanns minnst 2 nefndarmenn. Formaður stjórnar fundum.

3. gr.

Nefndin heldur gerðabók. Í gerðabók skal fundaritari færa fundagerðir og samþykktir, sem nefndin gerir. Heimilt er hverjum nefndarmanni að láta færa í gerðabók hverja þá ályktun, sem hann óskar. Formaður skipar fundaritara. Fundagerðir skulu þeir undirrita, sem á fundinum voru.

4. gr.

Afl atkvæða ræður afgreiðslu mála í nefndinni. Ef atkvæði verða jöfn, ræður atkvæði formanns úrslitum.

5. gr.

Formaður annast fyrirgeriðslu vegna skrifstofuhalds og starfsliðs nefndarinnar.